



Na osnovu člana 45. i 47. stav 1. Poslovnika o radu Općinskog vijeća Lukavac ("Službeni glasnik općine Lukavac", broj: 5/06, 2/09 i 5/09), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac ("Službeni glasnik Grada Lukavac", broj:1/22), Predsjedavajući Gradskog vijeća upućuje

P O Z I V

za **2. tematsku** sjednicu Gradskog vijeća Lukavac, koja će se održati dana **16.02.2024.godine** sa početkom u **09,30** sati u **sali Policijske uprave Lukavac** i za istu predlaže slijedeći

DNEVNI RED

1. Razmatranje i usvajanje:
 - a) Informacije o implementaciji interventnih mjera iz dokumenta „Program za otklanjanje posljedica i mjere prevencije maloljetničke delikvencije u Gradu Lukavac“
 - b) Informacije o stanju u oblasti zaštite od nasilja u porodici
 - c) Informacije o stanju u oblasti maloljetničkog prestupništva
 - d) Informacije o stanju u oblasti socijalne zaštite i zaštite porodica sa djecom

PREDSJEDAVAJUĆI
GRADSKOG VIJEĆA

Suad Salibašić dipl.ecc s.r.



Broj: 02-04-4634/23
Lukavac, 27.11.2023. godine

INFORMACIJA
O IMPLEMENTACIJI INTERVENTNIH MJERA IZ DOKUMENTA:
“PROGRAM ZA OTKLANJANJE POSLJEDICA
I MJERE PREVENCIJE MALOLJETNIČKE DELINKVENCije
U GRADU LUKAVAC”

Temeljem opredjeljenja lokalne zajednice da u saradnji sa školom, roditeljima, učenicima i svim relevantnim strukturama uključenim u proces osnovnog i srednjeg obrazovanja djece poduzme aktivnosti s ciljem otklanjanja posljedica i utvrdi mjere prevencije maloljetničke delinkvencije u gradu Lukavac, te promoviše i provede odgovarajuću vrstu programa u borbi protiv maloljetničke delinkvencije sukladno odredbama Zakona o osnovnom odgoju i obrazovanju i Zakona o srednjem obrazovanju Tuzlanskog kantona, Gradsko vijeće Lukavac je na tematskog sjednici održanoj dana 23.06.2023. godine, usvojilo dokument broj: 01-34-2547/23, naziva “Program za otklanjanje posljedica i mjere prevencije maloljetničke delinkvencije u gradu Lukavac” (u daljem tekstu Program).

Program je odredio temeljne i kratkoročne ciljeve, načela i oblasti djelovanja, te utvrdio interventne mjere prevencije različitih oblika rizičnog, nasilnog i nepoželjnog ponašanja kod djece. Slijedeći ciljeve i zadatke određene u navedenom dokumentu, Lokalna akciona grupa za dobrobit djeteta Lukavac, dostavlja Gradskom vijeću Lukavac, Informaciju o imlementaciji ciljeva i mjera kako slijedi:

- 1. MJERA: Stvaranje uslova za siguran nastavak obrazovnog procesa u školama na području grada Lukavac, sa posebnim akcentom na poduzimanje mjera kojima će se ojačati sigurnost i povjerenje učenika, roditelja i nastavnog osoblja u sigurno okruženje za obavljanje nastavnog procesa**

IZVJEŠTAJ O REALIZACIJI:

U okviru aktivnosti koje se tiču stvaranja uslova za siguran nastavak obrazovnog procesa u školama na području grada Lukavac, sa posebnim akcentom na poduzimanje mjera kojima će se ojačati sigurnost i povjerenje učenika, roditelja i nastavnog osoblja u sigurno okruženje za obavljanje nastavnog procesa odrađeno je kako slijedi:



- Grad Lukavac je formirao Savjet za sigurnost/bezbjednost, u čijem sastavu su: Edin Delić, Gradonačelnik, Suad Salibašić, Predsjedavajući Gradskog vijeća Lukavac, Enes Numanović, Sekretar JLS, Zoran Teofilović, Načelnik Policijske uprave Lukavac, Nedžad Prelić, Komandir Policijske stanice Lukavac. Savjet za sigurnost je imenovan s ciljem zajedničkog djelovanja predstavnika lokalne zajednice, institucija, javnih ustanova, nevladinih organizacija i udruženja građana na prevenciji i suzbijanju kriminaliteta i drugih oblika asocijalnog ponašanja. Također Savjet za bezbjednost ima za cilj i identifikaciju i definisanje bezbjednosnih problema na teritoriji Grada Lukavac, posvećivanju prioritetne pažnje tim problemima i pronalaženju rješenja koja će se provoditi na koordinisan način, a koji će poboljšati bezbjednost, kvalitet života i ekonomski prosperitet lokalne zajednice, kao i približavanje građana radu policije u povećanju stepena bezbjednosti u lokalnoj zajednici kroz jačanje povjerenja, partnerski rad i komunikaciju.
- Centar za mentalno zdravlje Lukavac je u okviru akcije „Prva psihološka pomoć“, psihologa Samira Hodžića stavio na raspolaganje svima koji su bili direktni ili indirektni učesnici traumatskog događaja. Kontaktirao je UKC Tuzla, Kliniku za psihijatriju i načelnicu klinike Dr. Nerminku Aljukić, koja je stavila na raspolaganje 5 ljekara-terapeuta sa klinike za psihijatriju da ponudi pružanje prve psihološke pomoći. Ljekari sa klinike su dobili saglasnost UKC Tuzla za ovaj vid podrške.
- Dana 15.06. od 14 do 15.30 sati u prostoru obdaništa u Lukavcu dr. Nermina Kravić i Samir Hodžić, psiholog iz Centra za mentalno zdravlje Lukavac, održali su prvu grupu psihološke potpore u kojoj je učestvovalo 18 učenika/ca VIII 1 razreda.
- 16.06. održano je šest novih sesija psihološke podrške za nove grupe učenika, na dvije lokacije: 4 grupe u Centru za kulturu od 11.00 do 12.30 i 2 grupe u obdaništu od 14.00 do 16.00 sati.
- Akcija naziva “Prva psihološka pomoć” je obuhvatila ukupno 20 učenika VIII 2 razreda, 22 učenika VIII 4 razreda, 18 roditelja učenika, školskog osoblja 21, 13 roditelja predškolske odgojne grupe iz obdaništa i vaspitačice, te 14 djece uzrasta 6 godina koji su se u momentu pucnjave zatekli u školi. Na održanim grupama su detektovani oni koji su usljed traumatične situacije malo više potreseni, odnosno oni koji su zahtijevali individualni tretman i praćenje koje im je Centar za mentalno zdravlje pružio. Također je Centar za mentalno zdravlje Lukavac ponudio i online psihološku podršku svima onima koji nisu mogli doći u fizički kontakt sa stručnim osobljem. Nakon raspusta i početkom nove školske godine osoblju škole je sugerisano da prate djecu i osoblje koji su bili direktni učesnici na traumatskom događaju te da u slučaju potrebe upute one kojima, po mišljenju pedagoga škole, zatreba dodatna psihološka pomoć u Centar za mentalno zdravlje na stručni tretman. Centar za mentalno zdravlje će također školi tokom narednog mjeseca ponuditi i stručne radionice nenasline komunikacije.
- Sve škole su od Vlade Tuzlanskog kantona dobile sredstva za uspostavu fizičke zaštite (radnik obezbjeđenja) i tehničke zaštite: video nadzora, protivprovalne zaštite (alarm) i protivprepadne zaštite (tzv.tihi alarm), a direktori škola su zaduženi da realizuju procedure nabavke.
- Grad Lukavac je putem nadležnih službi dao nalog JP „Putevi i komunikacije“ da se isrcrtaju novi pješački prelazi na raskrsnicama kako bi učenici što bezbjednije prelazili ulicu na putu do škole i nazad.
- Centar za socijalni rad Lukavac je na prijedlog direktora ustanove usvojio Odluku o izmjenama i dopunama Pravilnika o radu ustanove čime je organizaciona struktura ustanove proširena sa odjelom Savjetovaništa za mlade, brak i porodicu. Pripremljene su i promotivne brošure o uslugama savjetovaništa, izrađena je i zvanična web stranica ustanove.
- MUP TK i Policijska uprava Lukavac su u vezi događaja od 14.06.2023. godine, u kojem je od strane maloljetnog lica M.G. došlo do upotrebe vatrenog oružja u prostorijama Osnovne škole Lukavac Grad, kojom prilikom je uposlenik navedene obrazovne institucije zadobio povrede opasne po život usljed ranjavanja vatrenim oružjem, službenici PU Lukavac su navedeno maloljetno lice M.G. identifikovali i stavili pod kontrolu. Dalji rad na

dokumentovanju događaja je rađen pod nadzorom tima tužilaca Kantonalnog tužilaštva Tuzla i ovlaštenih službenika sektora kriminalističke policije Ministarstva unutrašnjih poslova Tuzlanskog kantona, te je nakon kriminalističke obrade maloljetno lice M.G. smješteno u odgovarajuću medicinsku ustanovu.

- Ovlašteni službenici Policijske uprave Lukavac u svojim redovnim aktivnostima prije i nakon navedenog događaja, provode pojačani nadzor i preventivne aktivnosti na prikupljanju svih potrebnih saznanja, a odnose se na cjelokupnu sigurnost na području nadležnosti, a kroz aktivnosti rada policije u zajednici, permanentno se obavljaju razgovori sa ovlaštenim licima u svim osnovnim i srednjim školama na području grada Lukavac u cilju detektovanja delinkventnog ponašanja učenika.
- Policijska uprava Lukavac ostvaruje stalnu komunikaciju sa Centrom za socijalni rad Lukavac, te vrši obilazak školskih objekata u različitim vremenskim intervalima, kako bi sigurnost učenika bila podignuta na viši nivo.
- Obezbjede su policijske patrole ispred svih škola za vrijeme izvođenja nastave. Ovu aktivnost pod nazivom "Škola" realizuje MUP TK. Akcija podrazumijeva prisustvo policijskih službenika u blizini školskih objekata dok traje škola s ciljem obezbjeđenja javnog reda i mira, ali i regulacije saobraćaja. Portparol MUP TK je izvijestio Gradonačelnika da je MUP TK imenovao svoga predstavnika u sastav Radne grupe koju je imenovala Vlada Tuzlanskog kantona, te da je Uprava policije provela sveobuhvatnu analizu s ciljem detektovanja nedostataka u oblasti obrazovanja, unutrašnjih poslova, socijalne zaštite, zdravstva i pravosuđa o čemu je Vladi TK dostavljena Informacija sa prijedlozima za donošenje novih akata i dokumenata koji regulišu problematiku nasilja u školama, te da će i dalji rad Uprave policije MUP-a TK, škola i drugih institucija koje su uključene u rad sa djecom i maloljetnicima biti usklađen sa usvojenim prijedlozima i mjerama.
- Škole „Lukavac Grad“ i „Lukavac Mjesto“ su, s ciljem pojačane bezbjednosti učenika, prvih mjeseci od početka nove školske godine, zabranile izlazak i ulazak učenika od 1.do 5. razreda, tokom velikih odmora izvan škole, kao i ulazak trećih lica u i oko prostora škole.

2. MJERA: Prevencija sekundarno izazvanih neželjenih događaja vezanih za pucnjavu u Osnovnoj školi "Lukavac Grad" i prevencija "retraumatiziranja" djece i jačanje sigurnosti djece u školama, na putu od kuće do škole i generalno.

IZVJEŠTAJ O REALIZACIJI:

U okviru aktivnosti koje se tiču prevencije neželjenih događaja vezanih za pucnjavu u Osnovnoj školi Lukavac Grad, te prevencije "retraumatiziranja" djece i jačanja sigurnosti djece u školama i na putu od kuće do škole i generalno, realizirano je sljedeće:

- Centar za mentalno zdravlje Lukavac, koji djeluje i radi pri JZU Dom zdravlja Lukavac, je svoje kapacitete stavio na raspolaganje učenicima, nastavnom osoblju i roditeljima učenika na način da je odmah nakon pucnjave u Osnovnoj školi Lukavac Grad primio na dijagnostičku obradu, liječenje i savjetovanje sva lica koja su usljed navedenog događaja pokazivala znakove traume.
- Udruženje pedagoga i psihologa TK-a su u saradnji sa Pedagoškim zavodom Tuzla i uposlenicima škole Lukavac Grad, održali radionicu na temu: "Međuljudski odnosi".
- Razredni nastavnici u svim školama s područja grada su korigovali svoje planove rada za odjeljensku zajednicu gdje je fokus rada stavljen na program suzbijanja nasilja, vršnjačkog nasilja i drugih oblika, te promovisanje pozitivnih ljudskih vrijednosti. Razredni nastavnici su održali po nekoliko časova Odjeljenske zajednice koji su sadržavali upravo navedene teme i nastavljaju sa istim planom.

- Centar za socijalni rad Lukavac je sistematizovao novo radno mjesto socijalnog pedagoga, a u Zahtjevu za grant za 2024. godinu, definisao potrebe za upošljavanjem novih stručnih radnika i to: četiri dipl.socijalna radnika, jednog pravnika, jednog psihologa, jednog pedagoga i jednog socijalnog pedagoga, kao i obezbjeđenje prostora za rad savjetovašta.

3. MJERA: Prevencija eskalacije drugih oblika maloljetničke delinkvencije

IZVJEŠTAJ O REALIZACIJI:

U okviru aktivnosti koje za cilj imaju prevenciju eskalacije drugih oblika maloljetničke delinkvencije, realizirano je:

- U Osnovnoj školi Lukavac Grad tokom mjeseca augusta i septembra realiziran je set od 5 ciklusa stručnih predavanja, radionica i edukacija za nastavno osoblje škole na teme vezane za uvođenje prakse nenasilnog komuniciranja sa i među djecom. Ove edukacije je organizovao UNICEF BiH u saradnji sa Gradom Lukavac, a realizovali su ga stručni predavači, doktori nauka iz oblasti edukacije i rehabilitacije.
- JU Odgojni centar Tuzla je u Osnovnoj školi Lukavac Grad održao dvije radionice na temu: "Prevencija vršnjačkog nasilja".
- Pedagog i psiholog Centra za socijalni rad Lukavac, u okviru posla, zaduženi su za vođenje evidencije o djeci sa delinkventnim ponašanjem, djeci koja su žrtve nasilja te postupaju s istim u okviru svoje nadležnosti. U vezi s tim u periodu od januara do oktobra 2023. godine obrađeno je 19 informacija o nepohađanju nastave iz pet osnovnih škola s područja grada Lukavac, kao i osam informacija o učenicima koji krše školska pravila, odnosno koji su potencijalna djeca u riziku.

4. MJERA: Prevencija stigmatizacije ili diskriminacije djece, a posebno mentalno oboljele djece, u obrazovnom procesu po bilo kom osnovu, sa posebnim akcentom na oblike koji mogu uvećati manifestacije neželjenog ponašanja, te osiguranje stručne i profesionalne kategorizacije stanja i mjera po principima struke i po naučno utemeljenoj metodologiji.

IZVJEŠTAJ O REALIZACIJI:

U okviru mjere prevencije stigmatizacije ili diskriminacije djece, a posebno mentalno oboljele djece, u obrazovnom procesu po bilo kom osnovu, sa posebnim akcentom na oblike koji mogu uvećati manifestacije neželjenog ponašanja, te osiguranja stručne i profesionalne kategorizacije stanja i mjera po principima struke i po naučno utemeljenoj metodologiji, u toku su sljedeće aktivnosti:

- Centar za socijalni rad Lukavac je u saradnji sa organizacijama koje se bave dječijim pravima prikupio edukativni materijal o načinu izvještavanja, o nasilnim incidentima na javnim mjestima, kao i smjernice za roditelje kako pomoći djeci u prevazilaženju stresnih situacija.
- Centar za socijalni rad Lukavac je inicirao i organizovao sastanak u PU Lukavac dana 08.09.2023. godine. Sastanku su prisustvovali načelnik policije, komandir i inspektori iz MUP TK PU Lukavac, a tema sastanka su bile primjene postojećih protokola i razmjena informacija o predmetima u radu.
- Centar za ranu intervenciju i razvoj „Mali svijet“ se stavio na raspolaganje za svaku vrstu podrške u okviru mjere prevencije stigmatizacije ili diskriminacije djece, a posebno autistične djece, u obrazovnom procesu.

• 5. MJERA: Donošenje i provođenje novog Akcionog plana za dobrobit djece

IZVJEŠTAJ O REALIZACIJI:

U okviru realizacije mjere Donošenja i provođenja novog Akcionog plana za dobrobit djece, Lokalna akciona grupa za dobrobit djeteta je napravila radni Akcioni plan za dobrobit djece koji će se kontinuirano dopunjavati novim aktivnostima i mjerama s ciljem zaštite najboljeg interesa djeteta.

6. MJERA: Inkluzija zainteresiranih subjekata u svakoj od oblasti djelovanja, bezuslovno osiguranje kontinuiteta rada Akcione grupe, društveni dijalog i polemika o mjerama koje se predlažu ili provode, te maksimalizacija angažmana humanih i drugih potencijala lokalne zajednice i društva s ciljem dobrobiti djece i omladine

IZVJEŠTAJ O REALIZACIJI:

U okviru mjere inkluzije zainteresiranih subjekata u svakoj od oblasti djelovanja, bezuslovnog osiguranja kontinuiteta rada Akcione grupe, društvenog dijaloga i polemike o mjerama koje se predlažu ili provode, te maksimalizacije angažmana humanih i drugih potencijala lokalne zajednice i društva s ciljem dobrobiti djece i omladine, Lokalnoj akcionoj grupi za dobrobit djeteta Lukavac, osim gradske uprave su se pridružili i predstavnici sljedećih institucija, ustanova, organizacija, udruženja:

- Centar za socijalni rad Lukavac, Amira Hodžić, direktorica
- JZU Dom zdravlja Lukavac, Sedija Arapčić, direktorica i Samir Hodžić, psiholog
- Damir Turkić, predsjednik Aktiva direktora osnovnih škola s područja grada Lukavac,
- Uprava škole Lukavac Grad, Lejla Kovačević, direktorica i Alma Avdić, školski pedagog
- UKC Tuzla, Odjeljenje za dječiju neuropsihijatriju, Dr.Nermina Kravić I Dr.Nera Kravić
- Edukacijsko rehabilitacijski fakultet Tuzla, Prof.Dr. Lejla Kuralić-Čišić
- Centar za ranu intervenciju i rehabilitaciju "Mali svijet" Lukavac, Almedin Imširović, direktor
- Ministarstvo obrazovanja i nauke Tuzlanskog kantona, Almedin Imširović, koordinator
- UNICEF BiH, predstavnik: Mario Tokić, saradnik za zaštitu prava djece
- Save the Children, predstavnik Aida Ivković
- Predsjednik Vijeća roditelja Osnovne škole Lukavac Grad

Grad Lukavac je organizovao sastanke proširene Lokalne akcione grupe za dobrobit djeteta Lukavac dana: 07.07.2023. godine, dana 23.08.2023. godine i dana 06.09.2023. godine, ali i više drugih pojedinačnih ciljanih sastanaka sa ciljem izvještavanja i informisanja. Sastancima Lokalne grupe su redovno prisustvovali i predstavnici Udruženja psihologa FBiH, Elvis Vardo, PU Lukavac Edin Gafurović i Božana Tomić, RTV Lukavac, direktorica Jasminka Memić, Saša Delić, defektolog iz Zavoda za obrazovanje djece sa smetnjama u razvoju, SOS Dječija sela. Njihov angažman će biti realizovan u narednim fazama implementacije Programa.Lokalna akciona grupa za dobrobit djeteta je imala kontinuitet u svome radu, a sastanci grupe su organizirani jednom mjesečno.

Sastanak užeg saziva Lokalne akcione grupe za dobrobit djece, s ciljem razmjene informacija za mjesec oktobar, organizovan je na inicijativu direktorice JU Centar za socijalni rad Lukavac dana 16.10.2023. godine u prostorijama Centra. Sastanku su prisustvovali uprava i uposlenici Centra, Gradonačelnik i koordinator Lokalne akcione grupe, te predstavnici Centra za mentalno zdravlje Lukavac, Komandir PU Lukavac i dva inspektora za rad sa maloljetnicima iz MUP TK, PU Lukavac.

- 7. MJERA: Definisane odgovornosti nadležnih organa ili tijela, delegiranje zahtjeva ili prijedloga, komunikacija sa nosiocima aktivnosti, javno zagovaranje i kontinuirani pritisak na realizaciji postavljenih ciljeva.**

IZVJEŠTAJ O REALIZACIJI:

U okviru mjere definisanja odgovornosti nadležnih organa ili tijela, delegiranja zahtjeva ili prijedloga, komunikacije sa nosiocima aktivnosti, javnog zagovaranja i kontinuiranog pritiska na realizaciju postavljenih ciljeva, svi organi ili tijela uključeni u realizaciju Programa, u okviru svojih nadležnosti rade na realizaciji zadanih mjera slijedeći generalni cilj – Stvaranje povoljnog okruženja za djecu, a posebno s ciljem jačanja sigurnosti i bezbjednosti učenika. Ustanove s područja grada Lukavac čiji je osnivač Grad Lukavac, s tim u vezi periodično pismenim putem izvještavaju Grad Lukavac o poduzetim aktivnostima i mjerama iz svojih nadležnosti.

Gradonačelnik je ispred Gradske uprave imenovao za koordinatora za komunikaciju sa svim nosiocima aktivnosti Jasminu Mujkić-Čatić, Šeficu Odsjeka za protokol, informisanje u EU integracije, koja je u okviru svojih zadataka komunicirala sa članovima i organizovala sastanke Lokalne akcione radne grupe za dobrobit djeteta Lukavac, upućivala po potrebi pisane dopise, organizirala press konferenciju pred početak nove školske godine i radila druge poslove po nalogu Gradonačelnika.

S ciljem izvještavanja javnosti povodom događaja od 14.06.2023. godine, Gradonačelnik se obraćao svim medijima s područja BiH. Održao je PRESS Konferenciju za medije dana 31.08.2023. godine. Na PRESS konferenciji čija je tema bila „Početak nove školske godine u Osnovnoj školi „Lukavac Grad” su se javnosti obratili: Gradonačelnik, direktorica JU Centar za socijalni rad Lukavac, direktorica Osnovne škole Lukavac Grad, Direktorica JU Dom zdravlja Lukavac te Samir Hodžić, psiholog zaposlen u Centru za mentalno zdravlje Lukavac. Na PRESS konferenciju su se odazvali novinari: RTV Lukavac, RTV TK, RTV Slon, RTRS i FTV. Direktorica JU Centar za socijalni rad Lukavac je također, osim lokalnim medijima, dala izjave i za medije: BH1, N1, AL Jazeera Balkans, Hayat, Nova TV, Federalna TV, RTV TK, TV Slon, portal KLIX i printanom mediju Dnevni avaz.

- 8. MJERA: Saradnja sa domaćim, stranim i međunarodnim institucijama ili organizacijama koje djeluju u oblastima koje mogu utjecati na prevenciju ili otklanjanje posljedica maloljetničke delinkvencije**

IZVJEŠTAJ O REALIZACIJI:

U okviru mjere saradnje sa domaćim, stranim i međunarodnim institucijama ili organizacijama koje djeluju u oblastima koje mogu utjecati na prevenciju ili otklanjanje posljedica maloljetničke delinkvencije tokom prve faze implementacije Programa važno je istaknuti do sada već realiziranu saradnju sa međunarodnom organizacijama za zaštitu prava djece, i to:

- UNICEF BiH, koji je globalni lider u promociji i zaštiti prava djece u 190 zemalja svijeta, uključujući i Bosnu i Hercegovinu. Posljednjih 70 godina predano radi na zaštiti prava i unapređenju uslova života djece i njihovih porodica i
- Save the Children International North West Balkans Country Office, koji je vodeća neovisna organizacija za djecu u svijetu čija je vizija svijet u kojem svako dijete ostvaruje pravo na život, zaštitu i učešće, a misija podsticanje inovativnih pomaka u načinu na koji se svijet odnosi prema djeci i postizanje trenutne i trajne promjene u njihovim životima. Save the

- Children je u svoj budžet već uvrstio projekat „THRIVE-Targeting Hazards and reducing Incidents of Violence in Education – Smanjenje rizika i slučajeva nasilja u obrazovanju“, koji je specijalno namijenjen učenicima, roditeljima i nastavnom osoblju škola s područja grada Lukavac.

Ove velike međunarodne organizacije za zaštitu prava djece u radnu grupu je povodom realizacije mjera iz „Programa za otklanjanje posljedica i mjera prevencije maloljetničke delinkvencije u gradu Lukavac“ pozvao Gradonačelnik, a obje međunarodne organizacije su prihvatile poziv za saradnju te ponudile podršku u okviru svojih nadležnosti, budžeta i kapaciteta.

Centar za socijalni rad Lukavac je u saradnji sa organizacijama koje se bave dječijim pravima prikupio edukativni materijal o načinu izvještavanja o nasilnim incidentima na javnim mjestima, te smjernice za roditelje kako pomoći djeci u prevazilaženju stresnih situacija.

Od domaćih nevladinih organizacija podršku Programu su pružile i organizacije: SOS Dječija sela BiH, Udruženje psihologa i pedagoga FBiH, Centar za ranu intervenciju i razvoj „Mali svijet“ Lukavac.

Institucionalnu podršku Programu su pružile i institucije i ustanove sa viših nivoa vlasti i to: Ministarstvo obrazovanja i nauke Tuzlanskog kantona, Ministarstvo unutrašnjih poslova Tuzlanskog kantona, Ministarstvo zdravstva Tuzlanskog kantona, UKC Tuzla, JU Odgojni centar Tuzla i Edukacijsko-rehabilitacijski fakultet Univerziteta u Tuzli.

9. MJERA: Stručna i specijalistička podrška maloljetnicima, porodicama, nastavnom osoblju i drugim faktorima u prevenciji maloljetničke delinkvencije

IZVJEŠTAJ O REALIZACIJI:

U okviru realizacije mjere stručne i specijalističke podrške maloljetnicima, porodicama, nastavnom osoblju i drugim faktorima u prevenciji maloljetničke delinkvencije, Gradonačelnik je predložio Gradskom vijeću da se uz saradnju i mentorisanje Edukacijsko rehabilitacijskog fakulteta Tuzla u okviru Centra za ranu intervenciju i rehabilitaciju „Mali svijet“ osnuje Odjel za podršku djece i mladih sa poremećajima u ponašanju. Edukacijsko-rehabilitacijski fakultet, obezbijedit će stručnu i naučnu podršku Centru „Mali svijet“ u kreiranju i evaluaciji preventivnih i tretmanskih intervencija poremećaja u ponašanju kod djece i mladih.

Centar za socijalni rad Lukavac i RTV Lukavac pripremaju emisije edukativnog sadržaja o roditeljskoj ulozi i obavezama po odredbama Porodičnog zakona FBiH.

Redovno, odnosno na mjesečnom nivou, organizirat će se sastanci direktora osnovnih škola sa direktoricom Centra za socijalni rad Lukavac s ciljem razmjene informacija i jačanja saradnje definisane potpisanim protokolima, kao i razmjene informacija o stanju aktivnih slučajeva.

U toku su pripreme za sastanak svih potpisnika važećeg Protokola o postupanju u oblasti maloljetničkog prijestupništva od 30.11.2021. godine, kako bi se svi potpisnici istog ponovo pozvali na definirane obaveze i zaduženja, ali i definisali eventualne dopune i korekcije istog.

10. MJERA: Razmjena dobrih praksi u radu Centara za socijalni rad na nivou BiH s ciljem razmjene iskustava

IZVJEŠTAJ O REALIZACIJI:

U okviru realizacije mjere razmjene dobrih praksi u radu Centara za socijalni rad na nivou BiH s ciljem razmjene iskustava, Lokalna akciona grupa je bila planirala obaviti dvije studijske posjete čiju organizaciju je na sebe preuzeo UNICEF BiH. U pitanju su posjete jednom Centru za socijalni rad i posjeta školi V.Ribnikar u Beogradu, međutim ove aktivnosti nisu realizovane. Škola „V.Ribnikar“ Beograd je odbila zahtjev za saradnju navodeći da još nije spremna podijeliti svoja iskustva sa našom lokalnom zajednicom.

UNICEF BiH će shodno svojim analizama, za posjetu Lokalne akcione grupe odabrati Centar za socijalni rad s područja BiH koji ima izuzetno dobre prakse u radu sa djecom koja ispoljavaju različite oblike neželjenog ponašanja. Cilj posjete je prezentacija modela dobre prakse. UNICEF-a BiH dogovoriti će i posjetu školi V.Ribnikar u Beogradu. Cilj posjete je razmjena iskustva u pogledu postupanja institucija i vlasti, te uporedna analiza postupanja. Međutim, ta posjeta još nije realizovana jer nismo dobili od UNICEF odgovor u vezi izbora ustanove Centar za socijalni rad koji se ističe svojom praksom u ovom području djelovanja.

ZAKLJUČAK:

Informacija o realizovanim mjerama iz Programa se odnosi na realizaciju prve interventne faze realiziranih mjera koje imaju za cilj siguran boravak djece u školi te sprječavanje ponavljanja nasilja u školama. Lokalna akciona grupa će i ubuduće dostavljati periodični izvještaj Gradskom vijeću Lukavac o svim realiziranim aktivnostima iz dokumenta: “Program za otklanjanje posljedica i mjere prevencije maloljetničke delinkvencije u gradu Lukavac”, broj: 01-34-2547/23 od 23.06.2023. godine.

Obrađivač:
Jasmina Mujkić



GRADONAČELNIK
Dr. sci. Edin Delić

Dostaviti:

1. Gradskom vijeću x2
2. Stručna služba Gradonačelnika
3. Služba za društvene djelatnosti i upravu
4. Evidencija
5. a/a

INFORMACIJA O STANJU U OBLASTI ZAŠTITE OD NASILJA U PORODICI

Nasilje u porodici je složen društveni problem koji značajno utiče na živote pojedinaca i zajednice. Ovaj oblik nasilja obuhvata širok spektar negativnih ponašanja, uključujući fizičko, psihičko, emocionalno ili seksualno nasilje prema članovima porodice. Nasilje u porodici je višedimenzionalan društveni problem čije rješavanje zahtjeva multidisciplinarni i multisektorski institucionalni pristup i intervenciju stručnjaka različitih profila.

Pojam nasilja u porodici i krug osoba koje uživaju zaštitu, propisani su federalnim Zakonom o zaštiti od nasilja u porodici (Službene novine F BiH broj 20/13), a u članu 7. data je definicija nasilja koja glasi:

„Nasilje u porodici postoji ukoliko postoje osnove sumnje da su učinjene radnje kojima član porodice nanosi fizičku, psihičku ili seksualnu bol ili patnju i/ili ekonomsku štetu, kao i prijetnje koje izazivaju strah od fizičkog, psihičkog ili seksualnog nasilja i/ili ekonomske štete kod drugog člana porodice.“

Lokalna i kantonalna vlast i organizacije civilnog društva su se uključile u rješavanje ovog problema što je rezultiralo izradom dva protokola. Centar za socijalni rad Lukavac u svakodnevnom radu primjenjuje Protokol intervencija u slučajevima nasilja u porodici za Tuzlanski kanton iz 2009.godine i Protokol intervencija u slučajevima nasilja u porodici za Općinu Lukavac iz 2014.godine. Međutim, sam zakonodavni okvir nije dovoljan da se riješi problem nasilja u porodici. U cilju pružanja zaštite žrtvama i suzbijanja nasilja u porodici, multidisciplinarni pristup je ključ za efikasnu borbu protiv nasilja u porodici. Ovo podrazumijeva aktivnu saradnju između različitih sektora društva, uključujući policiju, pravosudne organe, centar za socijalni rad, zdravstvene ustanove, obrazovne ustanove, organizacije civilnog društva i općinske/gradske uprave. Svaka od ovih institucija igra svoju važnu ulogu u pružanju sveobuhvatne podrške žrtvama i suzbijanju različitih vrsta nasilja u porodici.

U Zakonu o zaštiti i postupanju od nasilja u porodici određeni su subjekti zaštite a to su: policijska uprava, pravosudni organi-sudovi, centri za socijalni rad, sigurne kuće i zdravstvene ustanove. Multidisciplinarni pristup omogućava bolju koordinaciju i resurse u borbi protiv nasilja u porodici. Saradnja različitih stručnjaka i organizacija pomaže da se žrtvama pruži kompletna podrška, a počiniocima stavi do znanja da su odgovorni za svoje postupke. Važno je da svi ovi akteri zajednički rade kako bi efikasno rješavali predmete nasilja u porodici.

Subjekti zaštite

1. Zakonom o zaštiti od nasilja u porodici policija predstavlja dio sistema odgovornog za istragu i dokazivanje krivičnog djela ili prekršaja. Uloga policije je da upozna i počinitelja nasilja sa mjerama koje će se protiv njega poduzeti, a po procjeni policije počinitelj se može privesti u prostorije policijske stanice. Ovisno o utvrđenim činjenicama policija će tražiti od suda izricanje odgovarajućih zaštitnih mjera.
2. Uloga sudova u slučajevima nasilja u porodici je da što učinkovitije iskoriste sve zakonske mogućnosti u svrhu zaštite članova porodice izloženih nasilju kroz poseban mehanizam izricanja zaštitnih mjera prema nasilnoj osobi, a neovisno o postupku utvrđivanja krivične odgovornosti za djelo nasilje u porodici.

Zaštitne mjere su:

- udaljenje iz stana, kuće ili nekog drugog stambenog prostora i zabrana vraćanja u stan, kuću ili neki drugi stambeni prostor,
 - zabrana približavanja žrtvi nasilja,
 - zabrana uznemiravanja i uhođenja osobe izložene nasilju,
 - obavezan psihosocijalni tretman,
 - obavezno liječenje od ovisnosti,
 - privremeno lišavanje slobode i zadržavanje.
3. Centar za socijalni rad predstavlja jednog od učesnika multisektorske saradnje i multidisciplinarnog pristupa u postupanju na slučajevima nasilja u porodici. U provođenju Zakona o zaštiti od nasilja u porodici, Centar za socijalni rad ima sljedeće zadatke:
- Evidentiranje prijave nasilja,
 - Prijava policiji i Informisanje nadležnih institucija,
 - Rad sa žrtvom/žrtvama nasilja,
 - Evidencija izrečenih zaštitnih mjera.

Uz obaveznu prijavu policiji o sumnji na nasilje u porodici, uposlenik centra je dužan odazvati se na poziv službenika policijske uprave radi zbrinjavanja žrtve nasilja u porodici/djeteta. Stručni radnik centra je dužan upoznati žrtvu nasilja o njenim zakonskim pravima, a posebno o pravima djece na zaštitu od svakog oblika nasilja i zanemarivanja, kao i mjerama i radnjama koje će centar za socijalni rad u daljem postupku poduzimati uključujući i imenovanje staratelja za posebne slučajeve za potrebe određenih postupaka. Pored osposobljenosti stručnog radnika centra, važna je saradnja i sa zdravstvenim radnicima i odgojno-obrazovnim ustanovama.

4. Sigurna kuća za područje TK može primiti osobe ženskog spola, sa ili bez djece. Smještaj se realizira na inicijativu policije ili centra za socijalni rad u koordinaciji sa voditeljem sigurne kuće, kao i kod samoinicijativnog dolaska žrtve u sigurnu kuću. U sigurnu kuću nije moguć prijem osoba sa duševnim smetnjama, osoba sa društveno negativnim ponašanjem i ovisnica o psihoaktivnim supstancama, te žena za koje postoje osnovi sumnje da su žrtve trgovine ljudima.
5. Zdravstvene ustanove su dužne pružiti žrtvi nasilja sveukupnu zdravstvenu zaštitu i voditi jedinstvenu evidenciju pacijenta/žrtve nasilja, te saznanja za nasilje u porodici su dužni bez odlaganja prijaviti policiji i centru za socijalni rad. Zdravstvena ustanova je dužna žrtvu nasilja koja je osoba sa duševnim smetnjama ili osobe liječene od alkoholizma i drugih ovisnosti, uputiti na liječenje odnosno prisilno hospitalizirati i o tome obavijestiti nadležne ustanove. Osim rada sa žrtvama nasilja, zdravstvena ustanova radi i sa počiniteljima nasilja na način da provodi zaštitne mjere obaveznog psihosocijalnog tretmana učinilaca nasilja u porodici i provodi zaštitne mjere obavezno liječenje od ovisnosti, uz vođenje evidencije o toku i rezultatima provedenog tretmana.
6. Škola kao odgojno-obrazovna ustanova je dužna poduzimati sve mjere zaštite prava djeteta, te o svakom kršenju tih prava, posebno nasilja, sačiniti službenu zabilješku o poduzetim aktivnostima, razgovorima, izjavama i svojim opažanjima, te tražiti pomoć i intervenciju drugih institucija u slučajevima kada zbog porodičnog nasilja učenici ispoljavaju delinkventno ponašanje u školi.

Stručna lica Centra za socijalni rad Lukavac, u skladu sa procedurama vode evidenciju prijave nasilja u porodici, kao i evidenciju izrečenih zaštitnih mjera.

-U periodu od 01.01.2023. godine do 30.09.2023. godine u Centru za socijalni rad su evidentirane 64 prijave nasilja u porodici. U ovom periodu, januar-septembar, pravosudni organi su donijeli 9 rješenja o izrečenim zaštitnim mjerama za 12 osoba koje su štice ovim mjerama.

U periodu januar-oktobar 2023.g. upućeno je na smještaj u sigurnu kuću tri žene.

U periodu od 01.01.2022.godine do 31.12.2022.godine u Centru za socijalni rad evidentirano je 87 prijava nasilja u porodici. Pravosudni organi-sudovi su tokom 2022.godine donijeli 7 rješenja o izrečenim zaštitnim mjerama za 12 osoba koje su štice tim mjerama.

Tokom 2022. godine upućeno je na smještaj u sigurnu kuću deset žena i dvoje djece.

Kako bi se podigla svijest javnosti o važnosti sprečavanja međugeneracijskog prenosa nasilja, Ustanova saraduje sa UG Vive žene Tuzla i drugim organizacijama civilnog društva. Tokom te saradnje UG Vive žene Tuzla su kao izdavač objavile Smjernice za informisanje žrtava u slučajevima nasilja u porodici -Tuzlanski kanton i Vodič za ekonomsko osnaživanje žena.

Stručni radnik centra je uključen u sve raspoložive edukacije koje organizuju ministarstvo, nevladine organizacije i organizacije civilnog društva.

Multisektorski odgovor na nasilje u porodici predstavlja holistički i koordiniran pristup čiji je cilj uskladiti i uvezati programe i aktivnosti koje primjenjuju različite institucije, policija, pravosudni organi, centri za socijalni rad i zdravstvene ustanove. S tim u vezi kao odgovor na nasilje u porodici neophodno je:

- Osiguravanje i olakšavanje pristupa službama podrške za žrtve nasilja u porodici;
- Integriranje i uvezivanje intervencije kroz sve programe korištenjem dogovorenih međuinstitucionalnih radnih pravila i instrumenata;
- osiguravanje odgovornosti na svim nivoima, te svih uključenih institucija;
- osiguravanje koordiniranog djelovanja u pogledu rješavanja i sprečavanja nasilja u porodici;
- osiguravanje tačnijih podataka o slučajevima nasilja u porodici, te o prethodnim intervencijama i upućivanju.

Ključno je da društvo radi zajedno kako bi se osigurala sigurnost i dobrobit svih članova porodice i lokalne zajednice.

U Kantonu Sarajevo je rađena evaluacija efikasnosti zaštitnih mjera za period 2017-2022. godina. Rezultati analize su pokazali da su mjere uspješne, odnosno nema slučajeva recidiva ukoliko se: 1. nasilnik liši slobode, 2. izrekne mjera zabrane prilaska žrtvi nasilja i 3. izrekne obavezan psihosocijalni tretman za počinitelja nasilja u porodici.

Shodno obavezama iz Protokola intervencija u slučajevima nasilja u porodici za Općinu Lukavac, a u cilju sveobuhvatnog informisanja o stanju u oblasti zaštite od nasilja u porodici predlažemo da potpisnici istog (policija, dom zdravlja, općinski sud, obrazovne ustanove) zajednički izrade sveobuhvatnu informaciju za 2024.godinu koja će se razmatrati na sjednici Gradskog vijeća Lukavac.

Obrađivač: E.O.

Lukavac, novembar 2023.g.



DIREKTOR
Amira Hodžić
Amira Hodžić

Dostavljeno:

1. naslovu
2. arhiva

INFORMACIJA

O STANJU U OBLASTI MALOLJETNIČKOG PRESTUPNIŠTVA

Maloljetničko prestupništvo je složena društveno negativna pojava koja nameće potrebu za većim angažmanom svih nadležnih institucija i većim angažmanom zajednice u rješavanju ovog problema. Način postupanja nadležnih organa propisani su Zakonom o zaštiti i postupanju sa djecom i maloljetnicima u krivičnom postupku (Službene novine Federacije BiH, broj 7/14), Protokolom o multisektorskom postupanju u oblasti maloljetničkog prestupništva u Tuzlanskom kantonu iz 2018 godine, te Protokolom o postupanju u oblasti maloljetničkog prijestupništva u Gradu Lukavac iz 2020 godine.

Podaci o maloljetničkom prestupništvu pokazuju da se, osim lica koja su po uzrastu stariji i mlađi maloljetnici (15-18 godina), kao izvršitelji krivičnih djela pojavljuju i lica mlađa od 14 godina- djeca, prema kojima se ne pokreće krivični postupak, što ukazuje da se pomjera dobna granica kada se prvi put dolazi u sukob sa zakonom.

Budući da društvene prilike pogoduju porastu maloljetničkog prestupništva, problem postaje mnogo složeniji za prevenciju ove društveno negativne pojave, kao i za rehabilitaciju i resocijalizaciju ove populacije. Stoga je multisektorski i multidisciplinarni pristup trenutno jedini model koji omogućava da se ova kompleksna društveno negativna pojava rješava i prevenira.

Maloljetnici predstavljaju najosjetljiviju grupu na koju najviše utiče krize u društvenoj zajednici (postratna kriza, zaoštreni društveni/politički odnosi, ekonomska kriza, siromaštvo, nezaposlenost, izbjeglištvo, kriza morala, kriza sistema vrijednosti, kriza u porodici i sl.), pa se njihova reakcija ogleda kako u asocijalnom ponašanju, tako i u vršenju krivičnih djela, a sve veći problem predstavlja vršnjačko nasilje (bullying) koje se ispoljava najčešće u školama kao i putem društvenih mreža. U takvim uslovima je potrebna efikasnija reakcija cjelokupnog pravnog sistema i pojačane društvene kontrole nad prestupničkim ponašanjem mladih kako u krivičnim sankcijama, tako i u posebnim preventivnim programima za pojedine grupe maloljetnika koji pokazuju poremećaje u ponašanju.

Pokretanje krivične procedure prema maloljetnim počiniteljima krivičnih djela zahtijeva hitno i koordinirano postupanje svih onih koji su u tu proceduru i uključeni a to su: policijske uprave, tužioc, sudija za maloljetnike, organ starateljstva, te ustanove koje izvršavaju izrečene mjere prema maloljetnim delinkventima.

Prema zakonu, organ starateljstva nije stranka u krivičnom postupku, ali jeste pomoćni organ u sistemu maloljetničkog pravosuđa.

Brojni međunarodni i domaći dokumenti i propisi obavezuju državu, institucije i profesionalce na pružanje posebne zaštite djeci u sukobu sa zakonom, odnosno postupnost u izricanju krivičnih sankcija (član 29. Zakona o zaštiti i postupanju sa djecom i maloljetnicima u krivičnom postupku), a zasnivaju se na alternativnim mjerama za suzbijanje maloljetničkog prestupništva, odnosno humanijim rješenjima za usmjeravanje djece u kontaktu sa zakonom ka socijalno prihvatljivom načinu života.

Za djecu i mlade koja dođu u sukob sa zakonom policija je obično prva tačka kontakta u okviru formalnog sistema krivičnog pravosuđa. Mjera policijskog upozorenja primjenjuje se ukoliko je maloljetni počinitelj krivičnog djela počinio krivično djelo za koje je propisana novčana kazna ili kazna zatvora do 1 odnosno do 3 godine, uz uslov da maloljetnik priznaje krivično djelo, da je priznanje dato slobodno i dobrovoljno, da postoji dovoljno dokaza da je maloljetnik učinio krivično djelo i da prema maloljetniku nije ranije izricana niti jedna mjera odnosno sankcija.

Druga mjera koja se može izreći maloljetnim učiniocima krivičnog djela su odgojne preporuke koje su u nadležnosti tužitelja odnosno sudije.

Odgojnih preporuka ima 6 a to su:

- lično izvinjenje oštećenom,
- naknada štete oštećenom,
- redovno pohađanje škole,
- uključivanje u rad, bez naknade, u humanitarne organizacije i sl.,
- liječenje u odgovarajućoj zdravstvenoj ustanovi,
- uključivanje u pojedinačni ili grupni tretman vaspitnih, obrazovnih, psiholoških ili drugih savjetovališta.

Odgojne mjere prema maloljetnim počiniocima krivičnih djela koje izriče sudija za maloljetnike, a na prijedlog tužioca za maloljetnike su:

- mjere upozorenja i usmjeravanja u koje spada sudski ukor, posebne obaveze (pohađanje škole, rad u korist društvene zajednice) i upućivanje u Odgojni centar
- mjere pojačanog nadzora su pojačan nadzor roditelja, pojačan nadzor u drugoj porodici, pojačan nadzor organa starateljstva.
- zavodske mjere su upućivanje u odgojnu ustanovu, upućivanje u odgojno-popravni dom i upućivanje u posebnu ustanovu za liječenje i osposobljavanje.

ULOGA CENTRA ZA SOCIJALNI RAD U POSTUPCIMA PREMA MALOLJETNICIMA

Centar za socijalni rad kao organ starateljstva je poseban organ koji učestvuje u postupku i pomaže sudu prilikom donošenja odluke. Pored procesnih obaveza i uloge zaštite maloljetnog prestupnika tokom postupka, uloga Centra za socijalni rad je i praćenje provođenja izrečenih sudskih mjera, kao i pratećih posebnih obaveza izrečenih maloljetniku u krivičnom postupku.

Stručna lica Centra za socijalni rad Lukavac, u skladu sa procedurama vode evidenciju izrečenih odgojnih mjera, odgojnih preporuka, kao i posebnih obaveza izrečenih u krivičnim i prekršajnim postupcima prema maloljetnicima. Ti podaci se vode u posebnim evidencijama propisanim od strane nadležnog Federalnog ministarstva za rad i socijalnu politiku. Podaci o maloljetnicima mogu se dati isključivo tužilaštvu, sudu, policijskom organu i drugom organu starateljstva.

STATISTIČKI PODACI ZA 2023 GODINU

U periodu od 01.01.2023 godine do 31.10.2023 godine :

-pokrenuto je devet prekršajnih postupaka zbog počinjenih prekršaja po osnovu Zakona o bezbjednosti saobraćaja u FBiH, te po osnovu Zakona o javnom redu i miru. Za ove prekršaje izrečena je jedna mjera (uvjetna osuda)

-pokrenuta su četiri krivična postupka zbog krivičnih djela -zloupotreba znaka za pomoć i uzbunu, krivičnih djela krađe i nanošenja lake tjelesne ozljede, a izrečene su dvije odgojne mjere (mjera pojačanog nadzora roditelja i mjera upućivanja u Odgojni centar Tuzla), te je obustavljen jedan postupak. Radi poređenja periodu od 01.01.2022 godine do 31.12.2022 godine:

- pokrenuto je 13 prekršajnih postupaka, od toga je izrečeno 11 mjera i preporuka u skladu sa zakonom o prekršajima.

- pokrenuta su četiri krivična postupka, od kojih su za dva postupka izrečene odgojne mjere, obustavljena su dva krivična postupka, zbog necjelishodnosti vođenja istih prema ocjeni tužilaštva.

PRIJEDLOG MJERA ZA UNAPREĐENJE MEĐUINSTITUCIONLANE SARADNJE I POSTUPANJA U OBLASTI MALOLJETNIČKOG PRESTUPNIŠTVA U GRADU LUKAVAC

-Potpuna implementacija Zakona o zaštiti i postupanju sa djecom i maloljetnicima u krivičnom postupku podrazumijeva i popunu svih institucija (policijske uprave, tužilaštva, sudova) potrebnim stručnim kadrom tj. stručnim saradnicima (psiholozima, pedagogima, socijalnim pedagogima, socijalnim radnicima).

- Osnivanje ustanova za prihvata i tretman mladb. počinitelja krivičnih i prekršajnih djela (odgojne ustanove, odgojno-popravni domovi, posebne ustanove za liječenje i osposobljavanje maloljetnika),te uspostavljanje efikasnije mreže svih aktera u lokalnoj zajednici koji mogu doprinijeti boljoj resocijalizaciji i integraciji maloljetnika u sredinu i uključivanje u normalne životne tokove.

Posljednja istraživanja koja su provedena na području Tuzlanskog kantona, pod nazivom „ Uticaj različitih konteksta socijalizacije na razvoj maloljetničke delinkvencije u poslijeratnoj BiH“ koje su sprovele VIVE žene u saradnji sa Filozofskim fakultetom i Edukacijasko-rehabilitacijskim fakultetom u Tuzli, identificirali su slijedeće poteškoće:

- nedostatan roditeljsko praćenje i nadzor,
- nezainteresovanost za obrazovanje,
- problemi u pohađanju nastave i ovladavanja školskim gradivom,
- slaba uključenost roditelja.

S tim u vezi predlaže se umrežavanje i planiranje zajedničkih programa na nivou lokalnih zajednica, osnivanje dnevnih centara za djecu, formiranje porodičnog savjetovaništa pri Centrima za socijalni rad, promjenu školskih programa, više pedagoškog rada sa djecom u školama, učenje djece socijalnim vještinama i organizovanju slobodnog vremena

-osmišljavanje kvalitetnih programa i priručnika koji će pomoći profesionalcima da se bave prevencijom maloljetničkog prestupništva i osiguravanje boljeg zdravstvenog monitoringa djece i rane intervencije u saradnji sa porodicom.

Drugo istraživanje koje je sprovedeno od strane Biroa za ljudska prava iz Tuzle pod nazivom „Maloljetnička delinkvencija u Tuzlanskom kantonu“ rezultiralo je slijedećim preporukama:

-potrebno je više pažnje posvetiti psihološkim aspektima i osobinama maloljetnih delinkvenata (fokusiranje na individualni pristup) i izvršiti pojedinačnu kognitivnu obradu (uzroke, negativne uticaje, remetilacke faktore, pozitivne faktore, potencijale maloljetnika) da bi došlo do efikasne društvene reakcije i izbjeglo nekontrolisano uopštavanje ili generaliziranje.

- Izraditi strategiju društvene reakcije na problem maloljetničke delinkvencije , definisanje mjera, svih društvenih činilaca, njihovih uloga, obaveza i načina komunikacije, odnosno definisati mrežu ustanova koje rade na jedinstvenom projektu.
- potrebno je veće uključivanje zajednice i korištenje kapaciteta civilnog sektora unutar te zajednice.
- nužan je istraživački rad za procjenu uticaja pojedinačne sudske mjere na maloljetnika u dužem vremenskom periodu.
- potrebno je da se u medijima edukativni programi i programi prevencije delinkvencije fokusiraju na razobličavanje lažnog sistema vrijednosti u društvu, a favorizira drugačiji sistem vrijednosti.
- nužno je uskladiti izricanje sudskih mjera sa postojećom infrastrukturom (postojećim ustanovama i kadrovima)
- osnovati ustanove za izvršavanje odgojnih preporuka i odgojnih mjera (Centri za maloljetnike, domovi i ustanove, psihološka i druga savjetovaništa)
- raditi na osposobljavanju porodice za pravovremeno uočavanje simptoma delinkventnog ponašanja
- u cilju unapređenja saradnje svih nadležnih institucija potrebna je kontinuirana stručna edukacija u provođenju svih relevantnih propisa kao i primjena novih metoda rada.
- reafirmirati vaspitnu funkciju škole.

Najvažnija aktivnost u smislu Zakona o zaštiti i postupanju sa djecom i maloljetnicima u krivičnom postupku je prevencija koja treba da se provodi od najranijeg uzrasta.

Obradivač:

D.I.



DIREKTOR

Amira Hodžić
Amira Hodžić

Lukavac, novembar 2023 godine

DOSTAVLJENO:

1. Naslovu
2. Arhiva

**INFORMACIJA
O STANJU U OBLASTI SOCIJALNE ZAŠTITE I ZAŠTITE PORODICE SA
DJEKOM ZA PERIOD JANUAR - OKTOBAR 2023.G .**

U prilogu je tabelarni pregled aktivnih korisnika socijalne i dječije zaštite za period januar-oktobar 2023.godine koji su navedena prava ostvarili na osnovu sljedećih zakona:

1. federalni Zakon o socijalnoj zaštiti, zaštiti civilnih žrtava rata i zaštiti porodice sa djecom,
2. kantonalni Zakon o socijalnoj zaštiti, zaštiti civilnih žrtava rata i zaštiti porodice sa djecom,
3. federalni Zakon o materijalnoj podršci porodicama sa djecom u Federaciji Bosne i Hercegovine,
4. federalni Zakon o roditeljima njegovateljima u Federaciji BiH

Ukupan broj korisnika u navedenom periodu je 4528.

Obradivač: E.M.

Dostavljeno:

1.naslovu

2.arhiva



DIREKTOR
Amira Hodžić
Amira Hodžić

**INFORMACIJA O STANJU U OBLASTI SOCIJALNE ZAŠTITE I ZAŠTITE PORODICE SA DJECOM ZA
PERIOD JANUAR - OKTOBAR 2023.G.**

(tabelarni pregled aktivnih korisnika i predmeta u radu)

REDNI BROJ	NAZIV PRAVA	TREKUTNI BROJ KORISNIKA	BROJ PREDMETA U RADU NA DAN 07.11.2023.
1	STALNA NOVČANA POMOĆ (kantonalni propis)	202	7
2	JEDNOKRATNA NOVČANA POMOĆ ZA OPREMU 3 ILI VIŠE DJECE (kantonalni propis)	4	10
3	NOVČANA POMOĆ ZA NEZAPOSLE PORODILJE (federalni propis)	161	21
4	DODATNA NOVČANA POMOĆ ZA NEZAPOSLENE PORODILJE (kantonalni propis)	161	21
5	DODATNA NOVČANA POMOĆ ZA ZAPOSLENE PORODILJE (kantonalni propis)	67	14
6	PRAVO NA NAKNADU U MJESTU PLATE ZA VRIJEME PORODILJSKOG ODUSTVA (kantonalni propis)	95	14
7	CIVILNE ŽRTVE RATA (federalni propis)	85	1
8	DJEČJI DODATAK (federalni propis)	822	622
9	NOVČANA NAKNADA ZA LICA SA SMETNJAMA U FIZIČKOM I PSIHIČKOM RAZVOJU (kantonalni propis, novo pravo)	-	81
10	NOVČANA NAKNADA ZA LICA OBOLEJELA OD CELIJAKIJE, TBC, LEUKEMIJE, KARCINOMA I ŠEĆERNE BOLESTI (kantonalni propis, novo pravo)	-	11
11	NERATNE INVALIDNINE (federalni propis)	1100	5
12	JEDNOKRATNA NOVČANA POMOĆ (kantonalni propis)	563	56
13.	JEDNOKRATNA NOVČANA POMOĆ (gradski propis)	107	
13	SUBVENCIJA PREVOZA (kantonalni propis, nova odluka)	-	45
14	NAKNADA ZA OBROK U OSNOVNIM ŠKOLAMA (kantonalni propis)	87	6
15	SMJEŠTAJ ODRASLIH U USTANOVU (kantonalni propis)	37	2
16	SMEJŠTAJ DJECE U USTANOVU (kantonalni propis)	23	-
17	SMJEŠTAJ DJECE U HRANITELJSKE PORODICE (federalni propis)	3	1
18	NOVČANA NAKNADA ZA RODITELJE NJEGOVATELJE (federalni propis)	19	1

19	ZDRAVSTVENO OSIGURANJE (gradski propis)	246	3
20	ZDRAVSTVENO OSIGURANJE (kantonalni propis)	590	-
	UKUPNO	4528	922